

四庫全書

集部

欽定四庫全書

文苑英華卷二百十七

宋 李昉等 編

人事四

宿會七十五首

王侍中夜禁

吳 均

抽蘭開石路剪竹製山扉  
文淪見綠水參差隱翠微  
知商採藥至東都謝病歸  
紡毛織野服縫芟作山衣  
欲知三青鳥簷上素雲飛

喜祖三至留宿

王維

門前洛陽客下馬拂征衣不枉故人駕平生多掩扉行  
人返深巷積雪帶餘輝

集作  
暉

早歲同袍者高車何處歸

河南嚴尹弟見宿敝廬訪別人賦十韻

前人

上客能論道吾生學養蒙貧交世情外才子故人中冠  
上方安豸車邊已畫熊拂衣迎五馬垂手凭雙童花醪

一作  
醪

和松屑茶香透竹叢薄霜澄夜月殘雪帶春風古

壁蒼苔黑寒山遠燒紅眼看東候別心事北川同若學  
輕先輩何能訪老翁欲知今日後不樂為車公

友人會宿

李白

滌蕩千古愁留連百壺飲良夜

一作宵

宜清話

一作談

浩然

一作皓月

未能寢醉來臥空山天地即衾枕

此詩一百九十卷重出今已削去注異同為一作

宿陳留李少府揆廳

祖詠

相知有李

集作叔

卿訟簡夜彌清旅宿倦愁臥空堂聞曙

更風簾

集作簾

搖燭影秋雨帶蟲聲歸思那堪說悠悠限

恨集作洛城

宿王昌齡隱居

常建

青溪深不測隱處惟孤雲松際露微月清光猶為君

庭宿花影

文粹作茅亭宿花鳥

藥院滋苔文余亦謝時去西山鸞

鶴羣

宿畢侍御宅

錢起

交情貧更好子有古人風晤語秋霜裏平生苦節同心

唯二仲合室乃一瓢空落葉寄秋菊愁雲低夜鴻薄寒  
燈影外殘漏雨聲中明發南昌去迴看御史驄

秋夜宿嚴維宅

皇甫冉

昔聞元度宅門向會稽峯居

疑作君

住東湖下清風繼舊

蹤秋深臨水月夜半隔山鐘世故多離別良宵詎可逢

謝盧十一過宿

前人

乞還方未遂日夕望雲林况復經

集作逢

春草何妨

集作勞

問此心閉門公務散枉策故情深靜

集作遙

夜他鄉酒同

君梁甫吟

同韓一作韋

員外宿雲門寺

嚴維

小嶺路雖近仙卽此夕

一作日

過潭空觀月定澗靜見雲

多竹翠煙深色松聲雨點和萬綠俱不有對景自垂蘿

謝

一作酌

諸公宿鏡水宅

前人

幸免低頭向府中貴將藜藿與君同陽鴈叫霜來枕上  
寒山映月在湖中詩書何德名夫子草木推年長數公  
聞道漢家偏長少此身那比訪芝翁

宿江西竇主簿廳與此公亡兄聯官

崔峒

廣庭方緩步星漢話中移月滿關山

一作水關

道烏

一作鳥

啼

霜樹枝時艱難會今年長重親知前事成金石悽然淚  
欲垂

秋夜同暢當宿藏公院

盧綸

禮足一垂淚醫工知病由風螢方喜夜露槿已傷秋顧  
以童子愛每從仁者遊將永一作來竟何得滅跡在緇流



客舍喜崔補闕司空拾遺訪宿

一作見訪  
因留宿

前人

步月貸諸隣蓬居宿近臣烏裘先醉客青鏡早朝人懷

壁

疑作  
壞壁

煙垂網香街火照塵悲榮俱是分吾亦樂吾貧

冬夜宿司空曙野居因寄酬贈

韋應物

南北與山隣蓬庵庇一身繁霜疑有雪荒草似無人遂  
性在耕稼所交唯賤貧何緣張掾傲每重德璋親

同褒子秋齋獨宿

前人

山月皎如燭風霜時動竹夜半鳥驚棲牕間人獨宿

盧新吳航忽遠至留宿敝居 戴叔倫

出門迎故友衣服滿塵埃歲月不可問山川何處來綺  
城容敝宅散職寄虛臺願此留君醉相逢知幾回

與故人夜坐道舊

權德輿

笑語歡今夕煙霞愴昔遊清羸還對月遲暮更逢秋勝  
理方自得浮名不在求終當製初服相與臥林邱

夏夜宿袁兄

一作宅字

話舊

竇叔向

夜合花開香滿庭夜深微雨醉初醒

集作醒非

遠書珍重何

曾達舊事淒涼不可聽去日兒童皆長大昔年親友半

凋零明朝又是孤舟別愁對

一作見

河橋酒幔青

宿嚴秘書宅

釋清江

佳期曾不遠甲第即南鄰惠愛偏相及經過豈厭頻秋  
光林葉動夕霽月華新莫話羈棲事平原是主人

晚秋宿李軍道所居

釋皎然

青溪路不遥都尉每相招落日休戎馬秋風罷射鷗木  
花生野徑栢實滿寒條永夜依山府禪心共寂寥

宿支硎寺上方

前人

上方精舍遠共宿白雲端寂寞千峯夜蕭條萬木寒山  
光露下見松色月中看暫與西林別歸心却欲關

馬兵曹李良宅夜集

前人

清景不可失尋君趣有餘身高避事外道長問心初出  
處名則異遊從跡何疎吟看刻盡燭笑卷讀殘書露彩

生筆硯風音入庭除平明仙侶散  
轂鯨動迴車

晦夜李侍御萼宅集招潘述湯上人飲茶賦詩

前人

晦夜不可坐

一作生月

琴軒猶為開牆東  
隱者在淇上逸僧

來茗愛傳花飲詩看卷素裁風流高此會  
晚景屢徘徊

秋喜盧綸訪宿

司空曙

靜夜四無隣  
荒居舊業貧月

集作雨

中黃葉樹燈下白頭

人以我獨沉久媿君相訪頻  
平生有深

集作自有

分况是蔡

一作  
霍 家親

秋喜盧綸同宿寺

前人

浮生共多故聚宿喜君同人  
息時間磬松搖乍有風寒  
霜疑集作水際夜木似山中  
一願投如意長來事遠公

此詩二百三十五卷重出今已削去

耿漳就宿因傷故人

前人

舊時聞笛淚今夜重沾衣  
方恨同袍少何堪相見稀  
竹煙凝澗壑林雪似芳菲  
多謝勞車馬應憐獨掩扉

中秋與空上人同宿華嚴寺

冷朝陽

見雜詠

掃榻相逢宿論詩  
舊梵宮磬聲迎鼓  
盡月色過山窮  
庭簇安禪草窻飛帶火  
蟲一宵何惜別回首  
隔秋風

宿興善寺後堂

集無此字

李端

草堂高樹下月向後池  
生野客如僧靜

集作同僧坐

新河共

水平錦鱗

集作沉

同不食繡羽亂相鳴  
即事思江海誰能

萬里行

秋夕會友

姚係

倦容易相失歡遊無良

浪一作

晨忽然一夕間稍慰闔家

貧白露下庭梧孤琴始悲辛迴風入幽草蟲響滿四隣  
會遇更何時持盃重殷勤

山齋獨宿晏上人

楊 衡

憧憧雲樹秋黃葉下山頭蟲響夜難

一作空

度夢閒神不

遊窓燈寒几盡簾雨曉堦愁何以禪栖客灰心在沃州

一作洲

宿雲溪觀賦得秋燈引送客 前人



雲房寄宿秋夜客一燈熒熒照虛壁蟲聲呼客客未眠  
幾人語話清景側不可離別愁紛多秋燈秋燈奈別何

宿陸氏齋賦得殘燈詩

前人

殷勤照水夜屬思未成眠餘暉含薄霧落燼迸空筵誰  
比秦樓曉緘愁別幌前

宿漁家

張籍

漁家住江口潮水入柴扉行客欲投宿主人猶未歸竹  
深村路暗月出釣船稀遙見尋沙岸秋風動草衣

此詩二百九十三卷重出今已削去

酬段丞與諸碁流會宿敞居見贈

元 稹

鳴局寧虛日閒牕任廢時琴

一作詩

書甘盡棄園井詎能

窺運石疑填海爭籌憶坐帷赤心方苦鬪紅燭已先施

蛇勢縈山合鴻聯度嶺遲堂堂排直陣袞袞逼羸師懸

劫偏深猛迴征特險巖旁攻百道進死戰萬般為異日

元黃隊今宵黑白碁斫營看迴點對壘重相持善敗雖

稱怯驕盈最易欺  
狼牙當必碎虎口禍難移  
乘勝同三捷扶顛望一楮  
希因送目便敢恃指蹤竒  
退引防邊策雄吟斬將詩  
眠牀都浪置通夕共忘疲  
曉雉風傳角寒叢雪墮枝  
繁星收玉版殘月耀冰池  
僧請聞鐘粥賓催下藥卮  
獸炎餘炭在蠟淚短光衰  
俛仰嗟陳跡殷勤卜後期  
公私牽去住車馬各支離  
分作終身癖兼從是事隳  
此中無限興唯怕俗人知

神照禪師同宿

白居易

八年二月晦山梨花滿枝龍門水西寺夜與遠公期晏  
坐自相對密語誰能知前後際斷處一念不生時

初除主客郎中知制誥與王十一李七元八作一

九  
三舍人中書同宿語一作話舊感懷

前人

閒宵靜語喜還悲聚散窮通不自知已分雲泥行異路  
忽驚鷄鶴宿同枝紫垣曹署榮華地白髮郎官老醜時  
莫怪不知君氣味此中來較十年遲

秋夜宿梁十三廳事

戎昱

今年秋已暮，還恐未成歸。  
夢裏家仍遠，愁中葉又飛。  
竹聲風度急，燈影月來微。  
賴得梁夫子，心源集作如有所依。

宿太守李公宅

于鵠

郡齋常夜靜

集作掃

不臥獨吟詩，把燭迎幽客。  
升堂戴接

羅微風吹凍葉殘

集作餘

雪落寒枝明日逢，山伴須令隱

者知

雨中喜賈島訪宿

姚合

雨裏難逢客，閒吟不復眠。  
蟲聲秋併起，林色夜相連。  
愛酒此生理，趨朝末考前。  
終須携手去，滄海棹漁船。

洛下夜會寄賈島

前人

洛下工

集作攻

詩客相逢只是吟，夜鶻歡稍靜。  
寒屋坐多

深，烏府偶為吏。滄江長在心，懷君難就寢。  
燭滅復星沉。

夜宴

一作宿

太僕田卿宅

前人

故人九寺長，邀我此同歡。  
永夜開筵盡，中年飲酒難。  
微風侵竹影，疊漏過林端。  
臘後分朝日，天明幾刻殘。

宿友人山居

前人

偶向山中覓紫芝，山人勾引住多時。  
摘花浸酒春愁盡，燒竹煎茶夜臥遲。  
泉落林梢多碎滴，松生澗底足傍枝。  
明朝却欲歸城市，問我回期自不知。

夜集姚合宅期可公不至

賈島

公堂春

一作秋

雨夜已是念園林，何事疾病日重論。  
山水

心孤燈明臘後微，雨下更深釋子乖。  
來約泉西寒磬音

宿姚少府北齋

前人

石溪同夜泛復此北齋期鳥絕吏歸後蛩鳴客臥時鎖  
城涼雨細開印曙鐘遲憶此漳川岸如今是別離

冬日與諸公會宿姚端公宅懷永樂殷侍御

僧無可

柱史靜開筵所思何地偏故人為縣吏五老遠峰前賓  
榻寒侵曉集作樹公庭夜落泉會當隨假務一就白雲禪

冬晚與諸文士會太僕田卿宅一作別業

前人



從容

一作容

啟華館饌玉復燒蘭是歲茲旬盡清宵幾客

殘燈迴松竹動人息斗牛寒別後思吟集須期月再圓

同劉秀才宿見贈

前人

浮雲流水深只是愛山林共恨多年別相逢一夜吟既能持苦節勿謂少知音憶就西池宿月圓松竹深

冬夜與蔡校書宿無可上人院

劉得仁

儒釋偶同宿夜窻寒更清忘機於世久晤語恐

集作到

天

明月對集作高松影風延一磬聲真門猶是幻不用覺

浮生

秋日同僧宿西池

前人

菡萏編一作秋水隔林香似焚僧同池上宿霞向月邊

分岸鷺集作栖蒲立城砧接曙聞來宵莫他宿重此話

孤雲

冬日喜同志宿

前人

相逢話清夜言實轉相知共道名雖切唯論命不疑吟

身坐霜石眠鳥握風枝別憶天台客煙霞昔有期

宿韋律

集作  
津

山居

前人

永夕見招宿詩書盈

集作  
滿

草堂靜吟傾藥酒高論出名

場窓颯松篁韻庭蕪雪月光心期身未老一去泛瀟湘

秋夜喜友人宿

前人

莫話春闈事清宵且醉

集作  
但共

吟頻年遺我輩有日值公

心逼

集作  
通

曙天傾斗將寒葉墜林無為簪紱意從古貴

知音

迴中夜訪獨孤從事

前人

滿庭霜月魄風靜絕纖聞邊境時無事

一作冠

州城夜訪

君推表聽塞角酌甌

一作醴

話湘雲贊佐元戎美恩齊十

萬軍

宿友生林居因懷賈區

于武陵

繞屋樹森森多栖紫閣禽暫過當永夜微得話前心入  
楚行應遠經湘恨必深那堪對寒燭更賦別離吟

與無可賈島宿姚少府宅

朱慶餘

莫厭通宵話貧中聚會難堂虛雪氣入燈在漏聲殘役

思因成疾

一作病

當禪豈覺寒開門各有事誰不惜餘歡

雪夜與真上人宿韓協律宅 前人

斜雪微霑砌空堂夜語清逆風孤漏短迴燭向樓明盥  
漱隨禪伴謳吟得野情此歡那敢忘世貴丈夫名

宿陳處士書齋

前人

結茅當此地下馬見高情菰菜高塘淺

集作晚

杉光小徑

集作松陰白石

明向燈

集作爐

新茗色隔雪遠鐘聲閒得相逢少

吟多寢不成

同朱慶餘宿僧房

周賀

溪僧還共謁相與坐寒天屋雪凌高燭山茶稱遠泉夜

清集作深

更徹寺空濶鴈衝煙莫惜多時坐

集作話

重來又

隔年

宿李樞書齋

前人

書齋經暮雨四面絕纖埃眠客聞風覺飛蟲入燭來夜  
涼書讀遍月正戶全開住遠稀相見留連宿始迴

秋宿徐處士宅懷少室

前人

曾居少室黃河上秋夢長懸未得迴扶病半年離水石  
思歸一夜隔風雷空齋幾遇僧眠後野菊曾經鹿踐來  
燈下此心君共說倚松孤徑已生苔

同賈島宿無可上人院

雍陶

何處銷愁宿携囊就遠僧中宵吟有雪空屋語無燈靜  
境惟聞鐸寒牀但枕肱還因愛閒客始得見南能

雪夜與友人同宿曉寄近鄰

已見一百五十三卷

溫庭筠

宿秦生山齋

衡巫路不同結室在東峰歲晚得支遁夜寒逢戴顓龕

燈落葉寺山雪隔林鐘行解

一作行李  
又作戒行

無由發曹溪欲

施春

此詩三百十七卷重出今已削去

宿何書記先輩延福新居  
趙嘏

松下有琴閒未收一燈高為石

集作  
柱

叢留詩情似到山



家夜樹色輕含御水秋小榼提携終

集作宜

永日半斑

集作

年容鬢漫生愁因君撫掌問時俗紫閣堆簷不舉頭

李侍御歸山同宿華嚴寺

前人

家有青山近玉京風流柱史早知名園林手植自含綠  
霄漢眼看當去程處處白雲迷駐馬家家紅樹近流鶯  
相逢一宿最高寺夜夜翠微泉

一作松

落聲

集宿姚殿中宅期僧無可不至

馬戴

殿中日

一作殿  
內臣

相命開樽話舊時  
餘鐘催鳥絕積雪阻

僧期林靜寒光

一作聲

遠天陰曙色遲  
今宵復何夕人謁

去難追

集作鳴珮  
出難隨

此詩二百二十三卷重出今已削去注異同為一

作

宿賈島原居

集作尋賈  
島原東居

前人

寒鴈過原急渚邊秋色深  
煙霞向海島風雨宿園林俱

住明時願同懷故國心

集作共許貧交  
久猶嫌外事侵

未能先隱跡聊

集作此一相尋

新秋霽後宿王處士居

前人

夕陽逢一雨，夜木洗清陰。  
露氣竹窓靜，秋光月色深。  
煎茶靈草味，話友故山心。  
得意兩不寐，微風吟玉琴。

洛陽寒夜姚侍御宅宿同憶賈島

前人

夜來寒色動

集作夜樹  
動寒色

洛陽城闕深如何，異鄉思更抱。

故人心微月，高山遠閒堦。  
霜霰

集作  
霧

侵誰知石門橋

集作

路  
待子與相尋

宿崔印池陽別墅

前人

楊柳色已故郊原日復低  
煙生寒樹上霞散遠山西  
待月人相對驚風鴈不齊  
此心君莫問舊國去將迷

答鄜坊

集作寺

友人同宿見示

前人

為客自堪悲風塵日滿衣  
承明無計入舊隱但懷歸  
雪積孤城暗燈殘曉角微  
相逢喜同宿此地故人稀

秋夜宿秘書姚監宅

李頻

高樹密濛濛開樓待遠風

集作桂宅多佳木先來有好風

情閒眠闕下

夢野到山中露色浮寒瓦螢光墜暗叢聽吟麗句盡河

漢轉虛空

隱巖陪鄭少師夜坐

張喬

幸喜陪騶馭頻來向此宵硯磨青澗石厨爨白雲樵竹  
外村煙細燈中禁漏遙衣冠與文理靜話對前朝

宿劉溫書齋

前人

不掩盈牕月天然格調高涼風移蟋蟀落葉在離騷迴

筆挑燈爐懸圖見海濤因論三國志空載幾英豪

文苑英華卷二百十七

欽定四庫全書

文苑英華卷二百十八

宋 李昉等 編

人事五

逢遇六十八首

江上暫別蕭四劉三旋欣接遇

陳子昂

昨夜滄江別言乘

集作  
非

天漢遊寧期此相遇尚接武陵

州結綬還逢育銜杯且對劉波潭一瀾瀾臨望幾悠悠



山水丹青雜煙雲紫翠浮終愧神仙友來接野人舟

遇荊州崔兵曹使

前人

輜軒鳳凰使林藪鷓鴣冠江湖一相許雲霧坐交歡興  
盡崔亭伯言忘釋道安秋光稍欲暮歲物已將闌古樹  
蒼煙斷虛庭白露寒琴中

集作  
瑶琴

山水曲今日為君彈

遇崔司議泰之冀侍御珪二使入蜀

前人

謝病南山下幽臥不知春使星入東井云是故交親  
惠

風吹寶瑟微月憶清真憑軒一留醉江海寄情人

除夜樂城逢孟浩然

張子容

遠客襄陽郡來過海伴家樽開栢葉酒燈發九枝花妙  
曲逢盧女高才得孟嘉東山行樂意非是競繁華

鄭果州相過

王維

斜集作麗

日照殘春初時

集作晴

草木新牀前磨鏡客花下

集作裏

灌園人五馬驚窮巷雙童逐老身厨中

集作中厨

辦簾

飯常恐

集作當恕

阮家貧

若耶溪逢孔九

此詩已見一百六十六卷

綦母潛

旅次丹陽郡遇康侍御宣慰召募兼別岑單父

劉長卿

客心募

一作暮

千里迴首煙花繁楚水度

集作渡

歸夢春江

集作江春

連故園羈人懷上國驕虜窺中原胡馬鞭為害漢

臣多負恩羽書晝夜飛海

集作塞

內風塵昏雙鬢日已白

孤舟心可論繡衣從北來汗馬宣王言憂憤激忠勇悲

歡動黎元南徐爭赴難發卒如雲屯倚劔看太白洗兵

臨海門故人亦滄洲少別堪傷魂積翠下京口歸潮落  
山根如何天外帆又此波上罇空使憶君處鴛鴦聲催淚  
痕

湖上遇鄭田

前人

故人青雲器何意常窘迫五十猶布衣憐君已頭白誰  
言此相見暫得話疇昔舊業今已無還鄉反為客扁舟  
君獨往桂集作斗酒君自適滄海不可涯孤帆去無跡盃  
中忽復醉湖上生新魄湛湛江色寒濛濛水雲夕風波

易迢遞千里如咫尺迴首人已遙南看楚天隔

穆陵關北逢人歸漁陽

前人

逢君穆陵路匹馬向桑乾楚國蒼山古幽州白日寒城

池百戰後者舊樂人

集作家

殘處處蓬蒿遍野

集作歸

人掩

淚看

宋中遇陳兼

集作二

高適

常忝

集作參

鮑叔義所寄王佐才如何守苦節獨自

集作歸

無良媒離別十年外飄蓬千里來安能

集作知

罷官後惟

見柴門開窮巷，隱東郭高堂。詠南陔籬根長，花草井口

生

集作  
垂

莓苔。伊昔望霄漢，于今倦蒿萊。男兒須

集作  
未

達

命且醉手中盃

宋中遇劉書記

前人

何代無秀士，高門生此才。森然覩毫髮，若見江山來。幾  
載困常調，一朝時運催。白身謁明主，待詔登雲臺。相逢

梁宋間，與我醉蒿萊。寒楚眇千里，雪天閉

集作  
畫

不開末

路終離別，不能強悲哀。男兒爭富貴，勸爾莫遲迴。

平臺夜遇李景參有別

前人

離憂忽浩

集作心  
忽悵

然策馬對秋天  
孟諸薄暮涼風起  
歸

客相逢渡睢水  
憶昨

集作  
昨時

携手已

集作  
向

十年明

集作  
今

日

分途各千里  
歲物蕭條滿路岐  
此行浩蕩令人悲  
家貧美爾有微祿  
欲往從之何所之

此詩二百八十七卷重出今已削去

逢謝偃

前人

紅顏愴為別  
白髮始相逢  
唯餘昔時慮  
無復昔時容

長安逢故人

卽士元

數年音信斷不意在長安馬上相逢久人中欲認難一  
官今懶道雙鬢竟羞看莫問生涯事只應持釣竿

逢莊納因贈

皇甫冉

世故還相見天涯共向東春歸江海上人老別離中郡  
吏名何晚沙鷗道自同甘泉須早獻且莫嘆飄蓬

渭上逢李藏器移家東郡

耿漳

求名須有援學稼又無田故國三千里新春

集作深官

五十



年移家還作客避地莫知賢東路今何處風帆去渺然  
此詩又見二百七十五卷有數字不同

巴陵郭逢洛陽故人

前人

因君知世事流浪已忘機久客多人厭高年衆病歸連  
雲湖色遠度雪鴈聲稀又說家林盡淒傷淚滿衣

春色遇李侍郎

盧綸

高柳滿春城東園有鳥聲折花朝露滴漱石野泉清心  
許陶家醉詩逢謝客呈應憐末行吏曾是魯諸生

關口逢徐遇

前人

廢寺連荒壘那知見子真關城夜有雪冰渡曉無人酒

裏唯多

集作移

病山中願作鄰嘗聞兄弟樂唯見謝家貧

逢楊開府

韋應物

少事武皇帝無賴恃恩私身作里中橫家藏亡命兒朝

枿

集作持又作折

擣蒲局暮竊東鄰姬司隸不敢捕立在

集作登

白玉墀驪山風雨

集作雪

夜長楊羽獵時一字都未

集作不

識飲酒肆頑癡武皇昇仙去憔悴被人欺讀書事已晚

把筆學題詩兩府始收籍南宮謬見推非才果不容出  
守撫惇慈忽逢楊開府論舊涕俱垂座客何由識唯有  
故人知

廣陵遇孟雲卿作

前人

雄藩本帝都遊士多俊賢夾河樹鬱鬱華館千里連親  
集作新知雖滿堂中意頗未宣忽逢翰林友歡樂斗酒前

高文激頽波四海靡不傳西施且一笑衆女安得妍明

月滿淮海哀鴻遊集作逝長天所念京國遠我來君又旋

長安遇馮著作

前人

客從東方來衣上灞陵雨問客何謂

集作

來采山因買

斧冥冥花正開颺颺燕新乳昨別今已春鬢絲生幾縷

漢南遇方評事

詩選作襄州  
遇房評事由

戴叔倫

移家住漢陰不復問

一作

華簪貫酒宜城近燒田夢澤

深暮山逢鳥入寒水見魚沉與物皆無累終年愜本心

京口逢皇甫司馬副端

前人

潮水忽復至雲帆儼欲飛故園雙闕下左宦十年歸晚

景照華髮

一作日

涼風吹別衣淹留更一醉老去莫相違

汝南逢董校書

前人

擾擾倦行役相逢陳蔡間如何

集作何為

百年內不見一人

閒對酒惜餘景問程愁亂山秋風萬里至

集作道

又度

集作

出穆陵關

此詩二百八十七卷重出今已削去

逢友生言懷

集作別

前人

安親非避地羈旅十餘年道長時流許家貧故舊憐相

逢今歲暮遠別一方偏去住俱難說江湖正渺然

逢許評事

前人

萬里楊柳色出關逢故人輕煙拂流水落日照行塵積  
夢江湖濶憶家兄弟貧徘徊灞亭上不語共傷春

嶺上逢久別者又別

權德輿

十年曾一別征旆集作路此相逢馬首向何處夕陽千萬

峰

逢友人之上都

釋法振

玉帛徵賢楚客稀  
猿啼相送武陵歸  
潮頭望入桃花去  
一片春帆帶雨飛

逢江客問南中故人因以詩寄

司空曙

南客何時去相逢問故人  
望鄉空淚落嗜酒轉家貧  
踈懶辭微祿東西任老身  
上樓多看月臨水共傷春  
五柳終期隱雙鷗自可親  
應憐折腰吏冉冉在風塵

冬日逢馮法曹話懷

冷朝陽

分襟二年內多少事相干禮樂風全變塵埃路漸難秋  
林新葉落霜月滿庭寒雖喜逢知己他鄉歲又闌

中峯歸喜見苗發

集作雲際中峯寺已  
見一百六十五卷

李端

江上逢司空曙

前人

共有髫年故相逢萬里餘新春兩行淚舊國一封書夏  
口帆初泊衡陽雁正踈唯應執盃酒暫食漢江魚

京西遇舊職

集作識

兼送往隴州



姚係

蟬鳴一何急日暮秋風樹即此不勝愁隴陰人更去相逢與相失共是亡羊路

徵還京師見舊番官馮叔達 劉禹錫

前者忽忽襍被行十年憔悴到京城南宮舊吏來相問何處淹留白髮生

嶺表集作外逢故人

張籍

過嶺萬餘里旅遊經此稀相逢去家遠共說幾時歸海

上見花發瘴中無鴈飛炎塗

集作州

望行

集作鄉

伴相

集作自

識北人衣

途中逢陽陟

已見一百六十八卷

于鵠

逢張十八員外籍

白居易

旅思正茫茫相逢此路傍晚風林葉暗秋露草花香白  
髮江城守青山水部郎客亭問

集作同

宿處忽似夜歸鄉

逢舊

前人

久別偶相逢俱疑是夢中即今歡樂事放盞又成空

逢博陵故人彭兵曹

賈島

曲陽分散會京華見說三年任海涯  
別後解食蓬蘽子  
向前未識牡丹花  
偶逢日者教求祿  
終傍泉聲擬致家

踏雪携琴

集作  
衾

相就宿夜深開戶  
月光

集作  
斗牛斜

逢呂上山人

劉得仁

塵裏正愁老相逢眼益明  
從前枉多病此後解疎名  
古柏今收子深山許事兄  
長生如有分願逐到蓬瀛

夜行次東關

一作行次  
潼關驛

逢魏扶東歸

許渾

南北斷蓬飄長亭酒一瓢殘雲歸太華疎雨過中條樹

色隨關迥河聲入塞

一作海

遙勞歌此分首

一作手

風急馬

蕭蕭

此詩二百九十八卷重出今已削去異同註為一

作

廣陵道逢方干

周賀

野客行無定全家在渭東寄懷

一作眠

僧閣迥贈別索金

空舊業千山隔歸舟百計同藥資如有分相約老邱中

逢僧

前人

帶疾稀相見西城早晚來山房

一作衣

風壞袖香罐雨露

灰坐久鐘聲靜談餘嶽影迴却思同宿夜高枕話天台

泗上逢韓司徒歸北

前人

多病十年無舊識滄州亂後只逢君已知罷秩辭瀧水  
相勸移家住嶽雲泗上旅帆侵疊浪雪中歸路踏荒墳  
更為此別愁應老書札何由到北軍

秦中逢王處士

趙嘏

萬水東流去不迴先生獨自負仙才  
紫宮橫浪海邊別鶴翅駐雲天上  
來幾處吹簫森羽衛誰家殘月下樓臺  
春風正好分瓊液乞取當時白玉杯

江上逢許逸人

前人

是非處處生塵埃唯君襟抱無嫌猜  
收帆依雁溼浦宿帶雨別僧衡嶽迴  
芳樽稍駐落日唱醉袖更拂長雲開  
清秋華髮好相似却把釣竿歸去來

落第後歸喜逢僧再陽

項斯

相逢雖強笑人世別離頻  
曉去長侵月歸鄉動隔春  
見僧心暫靜從俗事多屯  
宇宙詩名小山河客路新  
翠桐猶入爨青鏡未辭塵  
逸足常思驥隨羣自退鱗  
宴乘紅杏寺愁在綠楊津  
老病難為樂開眉賴故人

岐陽逢曲陽故人話舊

馬戴

異地還相見平生分可知  
壯年俱欲暮往事盡堪悲  
道路頻艱阻親朋久別離  
解兵逃白刃謁帝值明時  
淹疾

生涯故因官世業移雞鳴關月落雁度朔風吹客淚翻  
岐下鄉心落海湄積愁何計遣滿酌浣相思

沂上款舊友

前人

斗酒故人同長歌起北風斜陽

一作日斜

高壘閉秋角暮山

空雁宿寒流上螢飛淡霧中坐來憂白髮况復久從戎

邊館逢賀秀才

前人

貧病無疎我與君不知何事久離羣鹿裘共敝同為客  
龍關將移擬獻文空館夕陽鴉繞樹荒城寒色雁和雲



金  
卷之八  
三  
不堪吟斷邊笳曉葉落東西客又分

蜀中逢故人

李 頻

自古有行役無人免別家相寬須陌上一醉任天涯積  
疊山藏蜀縈紆水繞巴他年又何處共說海棠花

漢上逢崔八同年

前 人

去歲同遊帝里春杏花過後各離秦偶先託質從知己  
獨未還家作旅人世上路岐何繚繞空中光景不逡巡  
一回相見一回別更得幾回一作多年少身

商於逢友人

喻坦之

行役何時了年年骨肉分  
春風來漢棹雪路入商雲  
水險溪難定林寒鳥異羣  
相逢聊坐石啼狖語中間

灞上逢故人

前人

花落杏園枝驅車問路岐  
人情誰可會身事自堪疑  
嶽雨狂雷送溪槎漲水吹家山  
如此景幾處憶相隨

金陵逢張喬

楊夔

殊鄉會面時辛苦兩情知  
有志年空過無媒命共奇  
吟

餘春漏急語舊酒巡遲天爵如堪倚休驚鬢上絲

江上逢進士許崇

張喬

詩人誰上第新榜又無君鶴髮他鄉老漁歌故國閒  
江流曉月獨島絆餘雲且了髻年志沙鷗未可羣

逢漳州崔使君北歸

張蠩

在郡多殊稱無人不望回離城携客去度

一作出

嶺擔猿

來障寫經冬藥瓶緘落暑梅長安有歸宅歸見鎖青苔

雲朔逢山友

前人

會面却生疑，居然似夢歸。塞深行客少，家遠識人稀。  
戰馬分旗牧，驚禽曳箭飛。將軍雖異禮，難便一作使脫麻衣。

途中逢孫路因得李頻消息 方 干

灞上寒仍在，柔條亦自新。山河雖度臘，雨雪未知春。  
正憶同袍者，堪逢共國人。銜盃亦一作益無語，與爾轉相親。

江上逢故人 陳 陶

十年蓬轉金陵道，長笑青雲身不早。故里相逢盡白頭，  
清江顏色何曾老。

河上逢友人

羅鄴

知君意不淺立馬問生涯  
舊業無歸地他鄉便是家  
宵吟憐桂魄朝起怯菱花  
語盡黃河上西風日又斜

吳門再逢方干處士

前人

天上高名

一作才

世上身垂綸何不駕蒲輪  
一朝卿相俱

前席千古篇章冠後人  
稽嶺不歸空挂夢吳

一作燕

宮相

值欲沾巾吾王若致昇  
平化可獨成周只渭濱

大梁見喬誦

羅隱

湘水春浮岸淮燈夜滿橋六年悲梗斷兩地各萍漂刀  
筆依三事篇章奏珥貂跡卑甘汨沒名散稱逍遙好寺  
松為徑空江桂作橈野香花伴落缸暖酒和燒晉沼尋  
遊鳳秦冠竟歎鴉骨凡雞犬薄魂斷蕙蘭招悵望添燕  
瑄蹉跎厭魯瓢敗桐方委爨冤匣正衝霄戰代疑作安  
釐國封崇孝景朝十年非有限一醉解無聊漏永燈花  
暗爐紅雪片銷久遊家共遠相對鬢俱凋運命從難合  
光陰奈不饒到頭蓑笠契雨信釣魚潮

鍾陵見進士楊尋

前人

孺亭滕閣少踟躕  
三度南遊一事無  
只覺流年如鳥逝  
不知何處有龍屠  
雲歸洪井枝柯斂  
水下章江氣色麤

賴得與君同此醉

一作醒

愁被鬼揶揄

湘中見進士喬誦

前人

吳公臺下別經秋  
破虜城邊暫駐留  
一笑有時堪解夢  
數年無故不同遊  
雲牽楚思橫魚艇  
柳送鄉心入酒樓  
且酌松醪依舊醉  
誰能相見向春愁

錢塘見芮逢

前人

蔡倫池北雁峯前離

集作

亂相兼十九年所喜故人猶

會面不堪良牧已重泉醉思把筋敲

集作

歌席狂憶判

身入酒船今日與君贏得在戴家灣裏兩皤然

見王貞白

裴說

共賀登科後明宣入紫宸又看重試榜還見苦吟人此  
得名渾別歸來話亦新分明一枝桂堪動楚江濱



文苑英華卷二百十八

欽定四庫全書

文苑英華卷二百十九

宋 李昉等 編

釋門

一五十一首

何遜一首

劉孝先一首

蕭子雲一首

孔德紹一首

武三思一首

蘇味道一首

宋之問三首

王維二首

孫逖一首

孟浩然二首

杜甫一首

李白二首

王昌齡二首

劉長卿九首

張謂二首

岑參三首

李嘉祐二首

錢起四首

皇甫曾七首

皇甫冉一首

張南史三首

富陽浦口和朗上人

梁何遜

客心愁日暮徙倚空望歸山煙斂樹色江水映霞輝獨

鶴凌空

集作煙

逝雙鳧出浪飛故鄉千餘里茲夕寒無衣

草堂寺尋無名法師

梁劉孝先

飛鏡點青天

古詩曰破鏡飛上天

橫照滿樓前深

一作空

林生夜冷

複閣上霄煙葉動花中露湍鳴閣

疑作谷

裏泉竹風聲若

雨山蟲聽似蟬摘果仍荷藉酌水用花傳一卮

一作盃 聊

自飲萬事且蕭然

贈海法師還甌山

梁蕭子雲

直心好邱壑偏悅幽棲人忽聞甌山旅蒿

一作蒿

里自相

親次寥晚霖霽重疊晴雲新秋至蟬鳴柳風高路起塵  
動余憶山思惆悵惜荷巾

送舍利宿定晉巖

隋孔德紹

仁祠表虛曠祇園展肅恭棲息翠微嶺登頓白雲峰映  
流看夜月臨風聽曉鐘澗芳千步草崖陰百丈松蕭然  
遙路絕無復市朝蹤

秋日於天中寺尋復禮上人

唐武三思

妙域三時殿香巖七淨

一作寶

宮金繩先界道玉柄即談

空喻棧知何極傳燈竟不窮彌天高義遠初地勝因通

理詣歸一處心行不二中有無雙惑遣真俗兩緣同摘

葉疑焚翠投花若散

一作棄

紅網珠遙映日簷鐸近吟風

定沿寒光素禪枝暝色蔥願隨方便力長冀釋塵籠

和武三思於天中寺尋復禮上人之作

蘇味道

藩戚三雍暇禪居二室隈忽聞從桂苑移步踐花臺敏

學推多藝高談屬辯才是非寧滯著空有掠嫌猜五術

幽機暢三番妙鍵開味甘露灑香似朔風來砌古留

方石池清辨燒灰人尋鶴洲返月逐虎溪迴連一作企躅

瞻飛蓋攀游想玉一作渡杯願陪為善樂從此去塵埃

自衡陽至韶州謁能禪師 宋之問

謫居窺集作窺炎壑孤帆森不繫別家萬里餘流目三春

際猿啼一作鳴山館曉虹飲江臯霽湘岸竹泉幽行峯石

困集作門閉嶺嶂窮攀越風濤極沿濟吾師在韶陽欣此

得躬詣洗慮賓空寂焚香結精

集作清

誓願以有漏軀聿

薰無生惠物用益冲曠心源日閑細伊我獲此途游道

悔晚計宗師信捨法擯落文史藝坐禪羅浮中尋異窮

集作南

海裔何辭禦魑魅自可乘炎癘回首望舊鄉雲林

浩虧蔽不作別離苦歸期多年歲

見南山夕陽召鑒師不至

前人

夕陽黯晴碧

集作暮

山翠互明滅此中意無限要與開士

說徒鬱仲舉思誰

集作詎

迴道林輒孤興欲待誰

集作誰待



此湖上月

浣紗篇贈陸上人

前人

越女顏如花越王聞浣紗國微不自寵獻作吳宮娃山  
數半潛匿苧蘿更蒙遮一行霸勾踐再顧傾夫差艷色  
奪常人效顰亦相誇一朝還舊都靚粧尋若耶鳥驚入  
松網魚畏沉荷花始覺冶容妄方悟羣心邪欽子秉幽  
意世人共稱嗟願言托君懷儻類蓬生麻家住雷門曲  
高閣凌飛霞淋漓翠羽帳旖旎綵雲車春風艷楚舞秋

月綿

一作  
纒

胡茄自昔專嬌愛襲玩唯矜奢達本知空寂

棄彼猶泥沙永割偏執性自長薰脩芽携妾不障道來

止妾西家

夏日過青龍寺謁操禪師

王維

龍鍾一老翁徐步謁禪宮欲問義心義遙知空病空山  
河天眼裏世界法身中莫恠銷炎熱能生大地風

飯覆釜山僧

前人

晚知清淨

一作  
靜

理日與人羣疎將候遠山僧先期掃敵

廬果從雲峰裏顧我蓬蒿居藉草飯松屑焚香看道書  
燃燈晝欲盡鳴磬夜方初一悟寂為樂此生閒有餘思  
歸何必深身世猶空虛

送新羅法師還國

孫逖

異域今無外高僧代

集作世

所稀苦心歸

集作窮

寂滅宴坐

得精微持鉢何年至傳燈是日歸上卿揮別操

一作藻

中

禁下禪衣海濶杯還度雲遙錫更飛此行速處所何以

慰虔祈

秦中感秋寄遠上人

孟浩然

一丘常欲卧三徑苦無資北山

一作上

非吾願東林懷我

師黃金燃桂盡壯志逐年衰旦

一作日

夕涼風至聞蟬但

益悲

尋香山湛上人

前人

朝遊訪名山山遠若

一作宕又作在

空翠氛氳亘百里日入行

始至谷口聞鐘聲林端識香氣杖策尋故人解鞍暫停

騎石門殊豁險篁筵

一作道

轉森邃法侶欣相逢清談曉

不寐平生慕真隱累日探靈異野老朝入田

集作雲

山僧

暮歸寺松泉多清

集作速

響苔壁饒古意願言投此山身

世永

集作兩

相棄

別贊上人

杜甫

百川日東流客去亦不息我生苦漂蕩何特有終極贊  
公釋門老放逐來上國還為世塵嬰頗帶憔悴色揚枝  
晨在手豆子雨已熟是身如浮雲安可限南北異縣逢  
舊交

集作友

初忻寫曾臆天長關塞遠

集作寒

歲暮饑寒

集作

凍逼野風吹征衣欲別向隰黑馬鳴集作嘶思故樞歸鳥

盡斂翼古來聚散地宿昔長荆棘相看俱衰年出處各  
努力

答族姪僧中孚贈玉泉仙人掌茶

李白

常聞玉泉山山洞多乳窟仙鼠如白鴉倒懸深溪月若  
生此中石玉泉流不歇根柯灑芳津採服潤肌骨楚老  
卷綠葉枝枝相接連曝成仙人掌似拍洪崖肩舉世未

見之其名定誰傳宗英乃禪客

集作伯

投贈有佳篇清鏡

燭無鹽顧慙西子妍朝坐有餘興長吟播諸天

別東林寺山僧

前人

東林送客處月出白猿啼笑別廬山遠何煩過虎溪

送東林廡上人歸廬山

王昌齡

石溪流已亂苔徑人漸微日暮東林下山僧還獨歸昔  
為廬峯意况與遠公違道性深寂寞世情多是非會尋  
名山去豈復望清輝

遇薛明府謁聰上人

前人

欣逢栢梁故共謁聰公  
禪石室無人到繩床見虎眠  
陰崖常抱雪枯澗為生泉  
出處雖云異同歡在法筵

送少微上人遊天台

劉長卿

石橋人不到獨往更迢迢  
乞食山家少尋鐘野寺遙  
松門風自掃瀑布雪難銷  
秋夜聞清梵餘音逐海潮

送靈澈上人歸嵩陽蘭巖

前人

南地隨緣久東林幾歲空  
暮山門獨掩青集作春草路難



通作梵連松韻焚香入桂叢唯將舊瓶鉢却寄白雲中

送道標上人歸南嶽

前人

悠悠

集作然

倚孤棹却憶卧中林江草行將

集作將歸

遠湘山

獨往深白雲留不住綠水去無心衡嶽千峯亂禪房何處尋

送勤照和尚往睢陽赴太守請

前人

燃燈傳七祖杖錫為諸侯來去

集作去位

雲無意東西水自

流青山春滿目白月夜隨舟知到梁園下蒼生賴

集作  
春

此遊

初夜

集作  
至

碧澗招明契上人

前人

漸老知身累初寒曝背眠白雲留永日黃葉減餘年猿  
護窓前樹泉澆谷口田沃洲能共隱不用道林錢

秋夜肅公房喜普門上人自陽羨山至

前人

山棲久不見林下偶同遊早晚來香積何人住沃洲寒

禽驚後夜古木帶高秋却入千峰去孤雲不可留

禪智寺上方懷演和尚寺即和尚所創

前人

絕巘東林寺高僧惠遠公買園隋苑下持

集作  
抹

鉢楚城

中斗極千燈近煙波萬井通遠山低月殿寒木露花宮

紺字燒香靜滄洲罷

集作  
擺

霧空鴈來秋色裏曙起早潮

東飛錫今何在蒼生待發蒙白雲飛送客黃

集作  
庭

葉自

辭風捨筏追開士迴舟狎釣翁平生江海意唯共白鷗

同

送靈澈上人還越中

前人

禪客無心杖錫還，沃洲深處草堂閒。  
身隨弊履集作履經

殘雪手綰寒衣入，舊山獨向清溪依。  
樹下空留白月在

人間那堪別後

集作夜

長相憶雲木蒼蒼，但閉關

送惠法師遊天台，因懷知大師故居

前人

翠屏瀑布

集作水

知何在鳥道，猿啼過幾重。  
落日獨搖金

策去深山誰向石橋逢定攀巖下

集作上

叢生桂欲買雲

中若箇峯憶想東林禪誦處寂寥唯聽舊時鐘

送僧

張謂

童子學脩道誦經求出家手持貝多葉心念優曇花得

度

一作處

北洲近隨緣東路賒一身求清靜百毳納袈裟

鍾嶺更飛錫爐峯期結跏深心大海水廣願度恒沙此  
去不堪別彼行安可涯慙懃結香火來世上牛車

送青龍一公

前人

事佛輕金印，勤王度玉關。不知從樹下，還肯到人間。  
楚水青蓮淨，吳門白日閒。聖朝須助理，絕莫愛東山。

偃師東與韓樽同詣暉上人即事

岑參

山陰老僧解楞伽，潁陽歸客遠相過。煙深草濕昨夜雨，  
雨後秋風渡漕河。空山終日塵事少，出一作平郊遠見人。

行縵一作小尚書磧上黃昏鐘，別駕渡頭一歸鳥。

寄青城龍溪爲道人

前人

五嶽之丈人西望青情慚雲開露崖嶠百里見石稜龍  
溪盤中峰上有蓮花僧絕頂少蘭若四時嵐翠凝身同  
雲虛無心與溪清澄誦戒龍每聽賦詩人則稱杉風冷  
袈裟石壁懸孤燈久欲謝微祿誓將歸大乘願聞開士  
說庶以心相應

晚過盤石寺禮鄭和尚

前人

暫詣高僧話來尋野寺孤岸花藏水碓溪竹映風鑪頂  
上巢新鵲衣中帶舊珠談禪未得去輟棹且踟躕

送宏志上人歸湖州

李嘉祐

山林唯好靜行住不妨禪高月穿松徑殘陽過水泉

一作

田詩從宿世悟法為本師傳能使南人敬脩持香火緣

同皇甫冉赴官留別靈一上人

前人

法許廬山遠詩傳休上人獨歸雙樹宿靜與百花親對

酒

集作劫

須留興觀空已悟身能令折腰客遙賞竹房春

山齋獨坐喜元上人見訪

二字一作至



錢起

舍下虎溪暹煙霞入暝開柴門兼竹靜山月與僧來心  
瑩紅蓮水言忘綠茗杯前峯曙更好集作斜漢欲西迴

靜夜酬通上人問疾

前人

東林生早涼高枕遠公房大士看心後中宵滴漏長驚  
蟬出暗柳微月映迴廊何事沉痾久含毫問藥王

送僧歸日本

前人

上國隨緣去

集作

東

集作

途若夢行浮天滄海遠去世

法舟輕水月通禪觀魚龍聽梵聲唯憐塔燈影萬里眼

中明

送外孫

一作從孫

懷素師還鄉覲省

素善草書此詩見二百八十四

卷

贈鑒上人

皇甫曾

律儀傳教誘僧臘老煙霄樹色依禪誦泉聲入寂寥寶  
龕經末劫畫壁見南朝深竹風開合寒潭月動搖息心  
歸靜理愛道坐中宵更欲尋真去乘船過海潮

西陵寄一公

前人

西陵遇風雨

集作過  
風處

自古是通津終日空江上雲山若

待人汀洲寒事早魚鳥興情新南望稽山路吾心有所

親

題贈雲門邕

一作邕

上人

此詩見二百  
三十五卷

秋夕寄懷契上人

前人

已見槿花朝委露獨悲憔悴在人群真僧出世心無事  
靜夜名香手自焚窓臨絕澗聞流水客至孤峰掃白雲

更想清晨誦經處獨看松上雨紛紛

送著公歸越

前人

誰能愁此別到越會相逢長憶雲門寺門前千萬峰石  
床埋積雪山路倒枯松莫學白衣士無人知去蹤

送普門上人還陽羨

前人

花宮雖

集作  
難

久別道者憶千燈殘雪入林路暮山歸寺

僧日光依嫩草泉響滴春冰何用求方便看心是一乘

同杜相公對山僧

前人

吏散重門掩僧來閣復閒遠心馳北闕春興寄東山草  
長風光裏鷲啼靜默間芳晨不可駐惆悵暮禽還

送延陵法師往上都

皇甫冉

延陵初罷講建業去隨緣翻譯推多學壇場最少年  
浣衣隨野水乞食向人煙遍禮南峯頂焚香古像前

西陵懷靈一上人兼寄朱放

張南史

淮海風濤起江關憂思長同悲鵲遶樹獨坐鴈隨陽山  
晚雲藏一作和雪汀寒月照霜由來濯纓處漁父愛滄浪

寄靜虛上人雲門

前人

寒日白雲裏法侶自提携竹徑通城下松門隔水西方

同沃洲去不自武陵迷髮鬢心疑慮

一作知處

高峯是會稽

秋夜聞鴈寄南十五蕪呈空和尚

前人

晚節聞君道趣深結茅栽樹近東林禪

一作大

師幾度曾

摩頂高士何年更發心北渚三更聞過雁西城萬木動

寒砧不見支公與元度相思擁膝坐長吟

文苑英華卷二百十九

欽定四庫全書

文苑英華卷二百二十

宋 李昉等編

釋門二

六十  
五首

郎士元三首

顧況三首

耿湜三首

司空曙七首

冷朝陽二首

李益一首

李端三首

盧綸六首

韋應物四首

嚴維四首



崔峒二首

釋清江三首

釋法照二首

釋護國一首

釋靈一五首

釋皎然十五首

釋靈澈一首

送大德講時河東徐明府招郎士元

遠近作

一作主

人天王城指日邊  
宰君迎說法童子伴隨

緣到處花為雨  
行時杖出泉  
今宵松月下  
開閣想安禪

赴無錫別靈上人

前人

高僧本性疑作竹開士舊名林一入春山裏千峯不可

尋新年芳草徧終日白雲深欲徇微官去懸知訝此心

送粲上人兼寄梁鎮員外 前人

季月還鄉獨未能林行溪宿厭層冰尺素欲傳三署客  
雪山愁送五天僧連空朔氣橫秦苑滿目寒雲隔灞陵  
借問從來香積寺何時携手更同登

寄江南鶴林寺石冰上人 顧況

山川重復出集作山山心地暗相逢忽憶秋江月如聞

重復重

古寺鐘湖平南北岸雲抱兩三峰定力超香象真言攝  
毒龍風中何處鶴石上幾年松為報烟霞道人間共不  
容

酬揚州白塔寺永上人

前人

塔上是何緣香燈續細煙松枝當麈尾柳絮替蠶綿浮  
草經行徧空花義趣圓我來雖為法暫借一牀眠

歸陽蕭寺有丁行者能脩無生忍擔水施僧況

歸命稽首作詩

前人

化佛示持帚仲尼稱執鞭列生御風歸飼豕如人焉曹

溪第六祖踏碓逾三年伊人自何方長綬趨遙泉開士

行何苦雙瓶胝兩肩蕭寺百餘僧東廚正揚煙露足沙

石裂外形巾褐穿若其有此身豈得安穩眠獨出違順

境不為寒暑還大聖於其一作空中領我心之虔萬法常

空滅無生因忍全一國一釋迦一燈分百千永願遺世

知一作智現身彌勒前潛容徧虛空靈響不可傳智慧舍

利佛神通自乾連阿若憍陳如迦葉迦旃一作檀延左右

二菩薩文殊并普賢身披六銖衣億劫為太僊寶塔寶  
樓閣重簷交梵天譬如一明珠共贊光白圓天魔波旬  
等降伏金剛堅野叉羅剎鬼亦赦塵垢纏乃致金翅鳥  
吞龍護洪淵一十一衆中身意皆快然八河注大海中  
有楞伽船佛法付國王平等無頗偏天子事端拱大臣  
行其權玉堂無蠅飛五月冰凜筵盡力答明主猶自招  
罪愆九族無白身百花動一作洞嬋娟神聖惡如此物華  
不能妍祿山一微胡驅馬來自燕宛彼宮闕麗如何犬

羊羶苦哉千萬人流血成丹川此輩一作賊之死後鑊湯  
所熬煎業風吹其魂猛火燒其烟獨有丁行者無憂樹  
枝邊市頭盲老人長者乞一錢韜照多密用為君吟此  
篇

贈隱上人

耿 漳

世間無近遠定理

集作定裏

遍曾過東海經長在南朝寺最

多暮林

集作暮年

聊化俗初地却

一作即

推魔今日忘塵慮看

心義若何

贈明公

前人

來自西竺國持經奉紫微年深梵語變行苦俗流歸月  
上安禪久苔生出院稀梁間有馴集作川鴿不去亦無機

詣順公問道

前人

此身知是妄遠遠詣支公何法住持後能逃生死中秋  
苔經古徑擇葉滿疎叢方便如開誘南宗與北宗

寄天台秀禪師

司空曙

天台瀑布寺傳有白頭師幻跡是羸病空門無住持霜

晴看鶴去海夜與龍期永願親瓶屨澄

集作呈

心得問疑

寄準上人

前人

昨聞歸舊寺暫別欲經年樵客應同步隣僧定伴禪後  
峯秋有雪遠澗夜鳴泉偶與支公論人間自共傳

送況上人還荊州因寄衛侍御象

前人

惠持遊蜀久策杖欲

一作忽

西還共別此宵月獨歸何處

山對鷗沙草畔洗足野雲間知有元暉會齊心受八關



深上人見訪憶李端

前人

鴈稀秋色盡落日對寒山  
避事多稱疾留僧獨閉關  
心歸塵俗外道勝有無間  
仍憶東林友相期久不還

間園即事寄陳公

前人

欲就東林寄一身尚憐兒女未成人  
柴門客去殘陽在藥圃蟲喧秋雨頻  
近水方同梅市隱曝衣多笑阮家貧  
深山蘭若何時到羨與閒雲作四隣

贈岳陽隱禪師

前人

擁褐安居南陌頭，白雲高寺見衡州。  
石窓湖水搖寒月，楓樹猿聲報夜秋。  
講席舊逢沙鳥至，梵經初向竺僧求。  
垂垂身老將傳法，因下人間逐此游。

送臯法師

前人

江草知寒柳半衰，行吟怨別獨遲遲。  
何人講席投如意，唯有東林遠法師。

別郎上人

冷朝陽

過雲尋釋子，話別更依依。  
靜室開來久，游人到自稀。  
觸

風香氣盡隔水磬聲微獨傍孤松立塵中多是非

送遠上人歸京

前人

夏臘歲方深思歸徹曙吟未離銷雪院已有過雲心寒

磬清函谷孤鐘宿華陰別京舊游寺月色似雙一作霜林

振上人院喜見賈弇兼酬別

集作送賈校書東歸寄真人

李益

北風南鴈

集作吹鴈

數聲悲又

集作况

指前林是別離

集作時

秋

草不堪頻送遠白雲何處更相期山隨足馬行看暮路

入寒城獨去遲為向

集作問

東州故人道江淹已擬惠休

詩

憶皎然上人

李端

未得從師去人間萬事勞雲門不可見山木已經

集作應

高向日開柴戶驚秋問敝袍無

集作何

由宿峰頂窓裏望

波濤

贈衡嶽隱禪師

前人

舊住衡州寺隨緣偶北來夜寒

集作禪

山雪下朝汲竹門

開半偈空皆

集作傳初

盡羣生意未迴唯當與樵者杖錫入

天台

送少微上人入蜀

前人

削髮本求道何方不是歸松風開法筵

集作席

江月濯禪

衣飛閣猿

集作蟬

鳴早漫天客過稀戴顓常執筆不覺此

身非

送常操上人歸江外覲省

盧綸

依佛不違親高堂與寺鄰問安雙樹曉求膳一僧貧持

呪過龍廟翻經化海人  
還同惠休去儒者亦沾巾

送少微上人入蜀

前人

瓶鉢遶禪衣連宵宿翠微  
樹開巴水遠山曉蜀星稀  
遍識中朝貴多諳外學非  
何當一傳付道侶願知歸

送郢上人歸江南

前人

落日映危檣歸僧向岳陽  
注瓶寒浪靜讀律夜船香  
苦霧凝山影陰霞發海光  
羣生一何負臨病別醫王

送契元法師赴內道場

前人

昏昏醉老夫，灌頂遇醍醐。  
嬪御呈心鏡，君王賜髻珠。  
降魔須戰否，問疾敢行無。  
深契何相秘，儒宗本不殊。

夜投終南豐德寺謁海上人 前人

半夜中

集作山

峯有磬聲偶逢樵者問山名  
上方月曉聞

僧語下路林疎見客行  
野鶴巢邊松最老  
毒龍潛處水偏清  
願得遠公知姓字  
焚香洗鉢過浮生

寄西巖誓上人

前人

過雨閒樓看晚虹  
白雲相逐水相通  
寒蟬怨暮野無日

古樹傷秋天有風數穗遠煙凝隴上一枝繁果憶山中  
何年暫別東林友惆悵人間事不同

寄皎然上人

韋應物

吳興老釋子野雪蓋青廬詩名徒自振道心常

集作長

晏

如想茲棲禪夜見月東峯初鳴鐘驚巖磴焚香滿空虛

夙

一作叨

慕端成舊未識豈為疎願以碧雲思方君怨別

餘茂苑文華地流水古僧居何當一游詠倚閣今

集作吟

躊躇



起

集作起

渡律同居東齋院

前人

釋子喜相偶幽林多避喧安居同僧夏清夜諷道言對

閣景恒晏步庭陰始繁道遙無一事松風入南軒

簡恒璨

前人

室虛多涼氣天高屬秋時空庭夜風雨草木曉離披簡

牒

集作書

日云曠文墨誰復持聊因心近

集作遇澄

靜一與道

人期

上方僧

見集本

前人

見月出東山上方高處禪空林無宿火燭夜汲寒泉不  
下藍溪寺今來三十年

送桃巖成上人歸本寺

巖維

長老歸緣起桃花憶舊巖清晨雲抱石深夜月籠杉道  
具門人捧齋糧谷鳥銜餘生願依止文字欲三緘

酬普選二上人期相會見寄 前人

本意宿東林因聽子賤琴遙知大小朗已斷去來心夜  
靜溪聲近庭寒月色深寧知塵外意定後更成吟

相里使君宅聽惠澄上人吹小管

前人

秦僧吹竹閉秋城  
早在梨園稱主情  
今夕襄陽山太守  
座中流淚聽商聲

贈別至宏上人

前人

最稱宏偃少  
早歲草茆居  
年老從僧律  
生知解佛書  
衲衣求壞帛  
野飯拾春蔬  
章句無求斷  
詩中學有餘

送真上人歸山蘭若

崔峒

得道雲林下年深暫一歸  
出山逢世亂乞食覺人稀  
半偈初傳法千峰又掩扉  
愛離應不染塵俗自依依

潤州送師弟自江夏往台州 前人

遠客乘流去孤帆向夜開  
春風江上使前日漢陽來  
別路猶千里離心重一杯  
剡溪木末落羨爾過天台

送堅上人歸杭州天竺寺 釋清江

十年勞負笈經論化中朝  
流水知鄉遠和風惜別遙  
雲山零夜雨花岸上春潮歸  
臥南天竺禪心更寂寥

送贊律師歸嵩山

前人

禪客歸山意山深定易安清貧脩道苦老友別家難雪  
路尋溪轉花宮映岳看到時松塔暮松月向人寒

送婆羅門僧

前人

雪嶺金河獨向東吳山楚澤意無窮如今白首鄉心盡  
萬里歸程在夢中

送清江上人

釋法照

越人僧體古清慮洗塵勞一國詩名遠多生律行高見

山援葛藟避世著方袍早晚雲門去疑應逐爾曹

送無著禪師歸新羅國

前人

萬里歸鄉路隨緣不筭程尋山百衲敝過海一杯輕夜  
宿依雲色晨齋就水聲何年持貝葉却到漢家城

訪雲母山僧

釋護國

森然古崖碧一作巖下淨行一高一作番僧松下濾寒水佛前

挑夜燈蓮花國土異貝葉梵書能相對空王一作境無

心戀

一作問

愛憎

送泐寺主之京迎禪和尚

釋靈一

禪門居此地瞻望在虛空  
水國月未上蒼生如夢中  
上人知機士瓶一作引錫慰樊籠  
彼土諸梵衆嗟君揚道風

送王法師之西川

前人

旅游無近遠要自別魂銷  
官柳鄉愁亂春山客路遙  
伴

行芳草遠

集作草綠

緣興

集作隨興

野花飄計日功成後  
還將輔

聖朝

送範律師往果州

前人

終南千古後，獨爾繼卿名。  
離障非今日，脩因是幾生。  
亂峰寒影暮，深澗野流清。  
遠客歸心苦，難為此別情。

送明素上人歸楚覲省

前人

能將疎懶背時人，不厭孤萍任此身。  
江上昔年同出處，

天涯今日共風塵平。

一作小

湖舊隱

一作選

應殘雪芳草歸

心未隔春前路，倍憐多勝事。  
到家知慶綵衣新。

贈靈澈禪師

前人

禪師來往翠微間，  
萬里千峰到集作見剡山。  
何時共到天



台裏身與浮雲處處閒

送贊上人還京

釋皎然

久游春草盡還寄北船歸沙鳥窺中食江雲滿淨衣秦  
原山色近楚寺磬聲微見說翻經館多聞似爾稀

送重鈞上人游天台

前人

漸看華頂出幽意尚

集作幽  
賞意

隨生十里行松色千重過

水聲海容雲正盡山態雪初晴事事將心證知君道可

成

送清會上人游京

前人

佳游限衰疾一笑向西風思見青門外曾臨素滙東峰

明雲際寺

寺名

日出露寒宮

宮名

行道禪長在看塵不染空

送關小師還金陵

前人

如何有歸思愛別欲難忘白鷺沙洲晚青龍水寺寒  
蕉花鋪淨地桂子落空壇持此心為鏡應堪月夜看

送栖上人之建州覲使君舅

前人

亂峰江上色羨爾及秋行釋氏推真子郝家許貴甥  
鬣

花新雨靜帆葉好風輕

海人以木葉為帆

千里依元舅迴橈有

遠情

送沙彌大智游五臺

前人

童年隨法侶家世本儒流  
章句三生學清涼萬里遊  
雲歸龍沼暗木落鴈門秋  
長老憶相待傳子向祖州

送契上人

前人

西陵古江口遠見東陽州  
淶水不同泛春山應獨遊  
尋僧白巖寺望月謝家樓  
宿昔心期在人寰非久留

送道琚上人還金陵

前人

一與鍾山別山中得信稀  
經年求法後及夏問安歸  
野實充甘膳池花當綵衣  
慈親莫返拜外禮欲無違

早秋桐廬思歸示道該上人 前人

桐江秋信早憶在故山時  
靜夜風鳴磬無人竹掃墀  
猿來觸淨水鳥下啄寒梨  
何暇一作可即關吾事歸心自有期

聽素法師講法華經

前人

法子出西秦名齊七道人  
纔敷藥草義便見雪山春  
護

講龍來遠間經鶴下頻應機如一雨誰不滌心塵

山居示靈澈上人

前人

晴明路出山初煖行踏春蕪看茗歸乍削柳枝聊代札  
時窺雲影學裁衣身閒始覺墮名是心了方知苦行非  
物外寂中誰似我松聲草色共忘機

湯評事衡水亭會覺禪師

前人

山侶相逢少清晨會水亭雪晴松葉翠煙煖藥苗青靜  
對滄洲鶴閒看古字經應憐叩

一作疏

關子了義共心冥

題湖上蘭若示清會上人

前人

峰心惠忍寺嶮頂謝公山何似南湖近芳洲一畝間意  
中雲木秀事外水堂閒永日無人到時看獨鶴還

支公詩

前人

支公養馬復養鶴率性無機多脫略天生支公與凡異  
凡情不到支公地得道由來天上僊為僧却下人間寺  
道家諸子論自然此公惟許逍遙篇山陰詩友喧四座  
佳句縱橫不廢禪

白雲上人精舍尋杼山禪師無示崔子尚何山

道上人


前人

望遠涉寒水懷人在幽境為高皎皎姿及愛蒼蒼嶺果  
見栖禪子潺湲灌真頂積疑一念破澄息萬緣靜世事  
花上塵慧心中影清閒誘我性遂使煩慮屏許共林  
客遊欲從山主請木栖無名樹水汲一作乃忘機井持此  
一日高未肯謝箕頰夕霽山態好空月生俄頃識妙聆  
細泉悟深滌清茗此心誰復得笑向西林永

久送鑒供奉歸蜀寧親

釋靈澈

林間出定戀庭闈  
聖主恩深暫許歸  
雙樹欲辭金錫冷  
四花猶向玉堦飛  
梁山拂漢分清境  
蜀雪和煙惹翠微  
此去不須求綵服  
紫衣全勝老菜衣





文苑英華卷二百二十